

## DAI MA'N YA JIM

Gu Honorable Congreso del Estado de Nayarit, bhan kam gu Trigésima Tercera Legislatura ga'n, bhan nat jax tu chia gu Comisión de Gobierno, k 'n sispixkam gui' na mi tu daaxix na pai' gu 1° gio 2° mi' kam na gu Constitución Política de los Estados Unidos Mexicanos; 7 fracción IV mi' kam na pai' Constitución Política del Estado Libre y Soberano de Nayarit; 1, 2, 3 gio 6 bhan gu Convenio 169 de la Organización Internacional del Trabajo gui' na gu Pueblos Indígenas gio Tribales en Países Independientes; 18 gio 32 mi' kam na gu Declaración de las Naciones Unidas sobre los Derechos de los Pueblos Indígenas; XXIII mi' na pai' gu Declaración Americana sobre los Derechos de los Pueblos Indígenas; 2, 5, mi' na pai' gu Ley de Derechos gio Cultura Indígena del Estado de Nayarit; 35 mi' kam na gu Ley Orgánica del Poder Legislativo del Estado de Nayarit; 26 gio 97 mi' dh r na gu Reglamento para el Gobierno Interior del Congreso:



# TU BAI'Ñ

Gu joisis mummu ja'p pue'mlos kam, dhi' pik, gux kakai'chugi'ñ gio u'ub jix kakai'; gu joisis ejidos kam gio/piam comunales no' o'dam piam jai' o'dam mi jai'ch; gu joisis gui' nam mi ja'p presidencias jup tu'i' no'm jai'ch gu pue'mlos o'dam gio jai' o'dam gio afromexicanas, nam jai' mi'p tui'ka' na mui' ji chum a'ga' gio nam tu ja tikkada', nam dilh jax ja'k ilhi'ñ gio nam jix bhai' jix matka' na tu' mim a'ga nam ba' machia' nam jax up ilhi'ñ, nam jax ja'k jix aa' gio na jax ja'k jix chu duñim gu pue'mlos gio comunidades o'dam gio jai' o'dam gio afromexicanas nam ya' ja'p tu kio na ji'x jir Nayarit, bhan dhi' na ya'ni jum a'ga nam jax ilhi'ñ gio nat jax ja'k ba tum duu:

- Nat dhi' mum bhiich binkam nam jix aa' Na pui' ja'k tum daasa' na ja'pni kai'ñkam nam mi binxidha' gu Constitución Política del Estado Libre y Soberano de Nayarit, bhan gu candidaturas na ja palhbui'ñ gu pue'mlos nam pur ya'kam, nat mu aich gu Diputado Aristeo Preciado Mayorga;
- Nat dhi' mum bhiich binkam gu Proyecto de Ley de Educación Superior Nayarit kam, nat mu aich gu Dr. Miguel Ángel Navarro Quintero, Gobernador Constitucional mi' kam Nayarit;
- Nat mum bhiich binkam nam jix aa' Na pui' ja'k tum daasa' na ja'pni kai'ñkam na makam duñia' gio na mi binxidha' gu Ley Electoral del Estado de Nayarit, bhan gu candidaturas na ja palhbui'ñ nam jir mi' kam na pai' gu comunidades gio pue'mlos nam pur ya'kam, nat mu aich gu Diputado Aristeo Preciado Mayorga;
- Nat mum bhiich binkam nam jix aa' Na pui' ja'k tum daasa' na ja'pni kai'ñkam na makam duñia' gio gu Constitución Política del Estado Libre y Soberano de Nayarit, gio ja'pna na gu Ley Electoral del Estado bhan dhi' nam pui'x chu duñim na tum juana' jix bhai' jabui gu pue'mlos nam pur ya'kam gio comunidades nam ja'p ja'k dir jiiim nam bar ya' kam Nayarit, nat mi aich gu Diputada María Belén Muñoz Barajas;
- Nat mum bhiich binkam nam jix aa' na pui' ja'k tum daasa' na tu' bhan makam jum bua gio na mim bipna'n gu bix aichim na jax chu daa bhan gu Ley Electoral de Nayarit, nam pai' tii jix aa' na tu' ka'm xim tigia' gui' na ja a'mkam ñiok na pai' mi'p tui'ka' gio nam jir ja a'mkam ka' gu pue'mlos nam pur ya' kam Nayarit, nat mi aich gu Diputada Natalia Carrillo Reza;
- Nat mum bhiich binkam nam jix aa' Na pui' ja'k tum daasa' na tu' bhan maakam xim duñim gu Ley Municipal para el Estado de Nayarit, nam pai' tu'kam jix ja tii'gim gui' na ja a'mkam ñiok na jaro'i' ja a'mkam mup tui'ka' na pai' gu ayuntamientos na pai' gu pue'mlos nam pur ya'kam Nayarit, nat mu aich gu Diputada Natalia Carrillo Reza;
- Gui' nat cham pui' chum duu nat jax chum dai mi' irban na pai' gu Juicio gui' na bhan jum nuuka'n gui' Derechos Políticos Electorales, na dhi'ñi numero bhan jix maati' TEE-JDCN-04/2019, na mi'p tu'i' na pai' gu Tribunal Estatal Electoral de Nayarit.

Dhi' na jax mu ti bhiichdhiim jix bhai' nam mu ja tigia' bix mi' na pai' gu paagina ga'n gu Honorable Congreso mi' kam Nayarit: <https://procesolegislativo.congresonayarit.gob.mx/iniciativas/>

Gui' nat jax chum dai, jix bhai' na mum tigia' na pai' gu paagina ga'n gu Tribunal Estatal Electoral Nayarit kam: mi' <http://trien.mx/sentencias/>

### Na jax ja'k mui' jim bhiichdha'

**MA'N. Na jax kai'ñkam.** Gui' na bii'pi' tim tikka', nam dilh jix a'nda', nam jix bhai' jix maati', na jix bhai'kam gio na jir pui' ja'k ka' nam jax dilh tu bua, dhi' ja a'mkam ñiok gu pue'mlos gio comunidades o'dam gio jai' o'dam gio afromexicanas nam mi'x maati' na pai' gu Constitución Política de los Estados Unidos Mexicanos. Dhi' na ya' bhan tim tikka' ja'pni kai'ñkam na ja kaiya' nam jax ilhi'ñ, na jax ja'k jix aa' gio nam jax jix chu duñim gu pue'mlos gio comunidades Meshikan, O'dam, Na'ayeri y Wixárika bhan gui' nat jax mui' bam bhiich nay bii'pi'dir bam aa, gio ba' na silhkam pui' duñiix ka' nam bhan kam pui' tu buada' gui' na ja a'mkam ñiok nam jai' mi'p tui'ka' gio nam dilh jax ja'k jix a'nda'.

**GOK. Na pai'dhuk tum mattuda'.** Nam ya' ba jimda' tum a'ga' nam jax ja'k mi'p tui'ka', nam tu' titikkada' gio ji'k kim pui' ji tum duñia' dhi' bhan.

Bhan pui' nat jax ja'k tum bii mi'dhir nat ji'x jax ba tum duu gio nat jax ja'k bam tii, nat pai' tum mattuda, pui'ñi ja'k tum duñia' bhan ya'ni ja'p na pai' tu daaxix gio na napdhuk tu daaxix':

	NA PAI'	PLEBLO ORIGINARIO	NAM JAX CHUM MUNICIPIO BAI'Ñ	NA PAI'DHUK TUM MATTUDA'
1	Jesús María	Néayeri	Dai Nayar	3 de agosto de 2023
2	Santa Cruz	Meshikan y Néayeri	Acaponeca	5 de agosto de 2023
3	Presido De Los Reyes	Néayeri	Ruiz	6 de agosto de 2023
4	Lindavista	Néayeri	Dai Nayar	7 de agosto de 2023
5	Potrero De La Palmita	Wixárika	Dai Nayar	8 de agosto de 2023
6	Guadalupe Ocoacán	Wixárika	La Yesca	9 de agosto de 2023
7	Zoquipan	Wixárika	Dai Nayar	11 de agosto de 2023
8	Recinto de la Feria	Néayeri y Wixárika	Tepic	13 de agosto de 2023
9	Cabezas municipal de Huejicori	O'dam	Huejicori	14 de agosto de 2023

**BAIK. Nam xim gaagaji pui' ba tii'ya' nam jax ja'k tu duñia'.** Na ji'k tanolh ki'n jam pui' ba tii'ya' nam jax ja'k jix aa' jum aa' nam maap pui' tii'ya' gui' nam jaro'i' tu ja tikkada' gio gu g'okkam na buiñor jup tutu'i'dhi'nda', xi ñiichidhat na ji'k tanolh, na jax ja'k gio nam jax ja'k tu bua mi' comunidad, ji'k tanolh jam bia'ka' nam ba' ba tu a'nda' nam jax ja'k jix aa' dilh nam jax ilhi'ñ nam ja'k mui' ji bhiichdha' gio nam jax ja'k tu daasa', gio nam bhan pui' tu buada' gu matda' nam ja makia' nam ba' bhan ba tu a'nda' nam jax jix aa' gio, no' jir am, nam jax ja'k up ilhi'ñ bhan gui' nam tu' tu ja tikkada'.

Ya' nam pai' jum ga'ngada' chamtu' tu' bhai' na jai' mi'p tui'ka' gu g'okkam na buiñor jup tutu'i', dai nax bhai' ja aagi'ñdha' no' tu' am cham maatiit k'g' am bhan dhi' nam tu' tu ja tikkada'.

**Makob. Nam pai' tu ja tikkada'.** Bhan nat pai'dhuk ba tum dai gio na pai' ja'p pui' tum duñia' na mit jabim pui' ja'k tu dai gu comunidades, el Congreso del Estado de Nayarit, na ja'p na gu g'okkam na buiñor jup tutu'i', tu jumpada' nam jax kai'ch, nam jax jix aa' gio nam jax chu daasa' gui' nam tu ja tikkada', xi ñiichidhat nam jax ja'k dilh tu bua.

Na jax chu'm tanolh mi' bam bhiichdha' nam tu Ja tikkada', jum aa' nam gu pue'mlos gio comunidades o'dam gio jai' o'dam bax aaga' pui' ba tii'ya' gui' na ja a'mkam mi'p tui'ka', xi ñiichidhat nam dilh jax ja'k jix chu maat, nam pai'dhuk bax aaga', jum aa' nam jix io'm nai' tu mattuda' bixkap na pai' ja'p jix bhai' nar am ka' ya' Nayarit gio muja'p comunidades gio pue'mlos o'dam gio jai' o'dam.

Ji'ma'n kim na jax chum a'gada' jup jum duñia' gu u'uan na mi chu daaka' nam jax ja'k tii'ya' bixdhit. Gio pui' up, gu grabaar' video ta'm na jax chum a'gada' giop jum duñia' gu potos na bhan jix maati' ka' nat jax chum duu, bii'pi'm xi ja tikkadaji gui' nam jaro'i' tu ja tikkada'.

Gio sia, dhi' na ya' bam aa' na tum a'gada' jix bhai' nam mi dhaasa' gu jaro'i' na dhi' pu kai'ñkam ka' na mui' xi oidha' nam jax chiiya' bix maap.

**JIX CHAMAM. Gui' nam mu oidha'.** Na pai'dhuk jum tii'mo' gui' nam titikkada', gu Congreso del Estado de Nayarit, mi' ba daasa' gu Comisión de Seguimiento y Verificación gio na mui' ba ja aagi'ñdha' gu comunidades gui' na mit tu ja tikki, nat jax ja'k tum duu bhan na mit jax chii na tum duñia'.

**JIXUM MA'N. Gui' na jaro'i' jir técnico ka'.** Gu Instituto para la Atención de los Pueblos y Comunidades Indígenas del Estado de Nayarit, mi'p tui'ka' nap jum duñia' dhi' nam titikkada' ja'p na Técnico.

**JIXUM GOK. Gui' na tu palhbuidha' na pui' tum duñia'.** Gu Instituto Nacional de Pueblos Indígenas, mi'p tui'ka' nap jum duñia' dhi' nam titikkada' ja'p na gui' na jaro'i' tu palhbuidha' na pui' tum duñia' bhan gui' na tu' kam tu juan na mi' pui'm kai'ch na pai' gu Ley del Instituto Nacional de los Pueblos Indígenas gio na jax chu daaxix na ja'k tu juanda'.

**JIXUM BAIK. Gui' na mi'p tui'ka' na ba' silhkam pui' tum duñia'.** Gu Comisión Estatal de los Derechos Humanos para el Estado de Nayarit, jir dhi' ka' gui' na jaro'i' tu nukda' nam ba' gu pue'mlos gio comunidades o'dam gio jai' o'dam gio afromexicanas jix bhai' bhan pui' tu gui' na ja a'mkam ñiok nam xi ja tikkadaji, bii'pi'dir gio nam jax bhai' jix matka', gio ba', tu'

ka'm ja tigia' no' makam ba tum duu gio/piam gu tu' no' tu soobhi'ñ na pai'dhuk tim tikkada'.

**JIXUM MAKOB. Gu Comité Técnico Asesor gio Interinstitucional.** Gu Comité jup duñiix jabim dhi'ñi dhi instituciones públicas:

- a) Secretaria de Educación;
- b) Servicios de Educación del Estado de Nayarit, gio
- c) Instituto Estatal Electoral de Nayarit.

**MAMBIX. Nam jax ja'k jix a'nda'.** Gu jat'tkam, joisis jix kakai', agrarias gio civiles, gio mija'p kam pue'mlos gio comunidades o'dam gio jai' o'dam gio afromexicanas, instituciones gio organizaciones no'm jai'x chu palhbuidham, jix bhaii' nam ua'ñixim pui' tu duñia', na jum aa' nam mu aichdha' mu na pai' gu Secretaría General del Congreso, mi' na jir pai' pik jir Poder gislativo, na mi' kiik Avenida México número 38 norte, Código Postal 63000, mi irban na pai' jir Tepic, Nayarit, jum aa' nam na buiñor jimda' gu Secretaría General del Congreso del Honorable Congreso Nayarit kam.

Pui'p jix bhaii' nam jum duñia' interneta'm, bhan dhi'ñi ka'm na pai' jix bhaii' microsito: [https://congresonayarit.gob.mx/consulta\\_pueblos\\_comunidades\\_indigenas/](https://congresonayarit.gob.mx/consulta_pueblos_comunidades_indigenas/) na mi' jup tu'i' na pai' gu portal ga'n internet ta'm kam gu Congreso del Estado, na pai' jix bhaii' nam mu aichdha' nam jax a través del cual podrán recibirse opiniones, propuestas y planteamientos.

**MAMBIX MA'N. No't tu' up jax jum duu.** Na tu' cham yam a'ga dhi'ñi ka'm dhi u'uan na bhan tum bai'ñ gio jai' no' tum bam aagim, tu echkada' gu Comisión de Gobierno del Honorable Congreso del Estado de Nayarit.

**MAMBIX GOK. Gu jai' pup gio matda'.** No'p jix bhai' jix maachim, mui'p xi chu ñiokdha' dhi'ka'm dhi teléfono (311) 2152500 Ext. 198.

**MAMBIX BAIK. Na pai' jix bhaii' nam tigia' gui' na tu a'mkam ñiok:**

- Convenio 169 de la Organización Internacional del Trabajo sobre los Pueblos Indígenas y Tribales en Países Independientes.
- Declaración de las Naciones Unidas sobre los Derechos de los Pueblos Indígenas.
- Declaración Americana sobre los Derechos de los Pueblos Indígenas.
- Constitución Política de los Estados Unidos Mexicanos.
- Constitución Política del Estado Libre y Soberano de Nayarit.
- Ley de Derechos y Cultura Indígena.
- Ley Electoral del Estado de Nayarit.
- Ley Municipal para el Estado de Nayarit.
- U'uan na bhan pui'm kai'ch na bar am gu "Protocolo para Desarrollar de Manera Libre, Previa e Informada, gui' nam titikkada' pui' kai'ñkam nam jup duñia', makam duñia', mi binda' piam nam makam tu daasa' gui' na jax chu daaxix piam jax na pix chu'm na jax chu daaxix no' ja'ji' gui' na ja a'mkam ñiok gu comuidades gio Pueblos Indígenas gio Afromexicanos.
- U'uan na jir dhi' pik na bhan pui' tum duñia' gio nam titikkada', nam dilh jix a'nda' gio nam jix matka' nam bhan ja tañia' nam jax ilhi'ñ gio nam jax ja'k jix chu duñik gu pue'mlos gio comunidades o'dam gio jai' o'dam na ya' tu kio Nayarit, bhan bix aichim na jax xi chum duñimka'.

<sup>1</sup>Na pai' gio na pai'dhuk jamit gu joisis pui' ja'k tu dai, agrarias gio bix aichim tu'm gu joisis mi ja'p gu mui' pue'mlos gio comunidades o'dam gio jai' o'dam ya' na pai' jir, dhi' am jam mi' jum a'ga na pai' gu fracciones V, VI, VII, VIII, IX, X y XI mi' na pai' gu Antecedes del Acuerdo de Trámite na ja'pni kai'ñkam na ba' do'ñichu' dhi' na bhan tum bai'ñ na ba' bhan mi'p tui'ka' am, gio nam bii'pi'kat xi chu ja tikkadaji, nam dilh jix a'nda' gio nam jix bhai' jix matka' nam ba' ja kaiya' nam jax ilhi'ñ, nam jax ja'k jix aa' gio nam nax ja'k jix chu duñim gu pue'mlos gio comunidades o'dam gio jai' o'dam gio afromexicanas nam mi' tu kio Nayarit, bhan gui' nam bix aichim mu tum duñim gio na jax ja'm tum daasim.